



Praxis Meditationum S.P. Ignatii Loyolae

Diertins, Joseph

Solisbaci, 1708

Med. 63. De ambulatione super aquas. Mysterii punct. 1.

[urn:nbn:de:hbz:466:1-60232](#)

MEDITATIO LXIII.

De ambulatione super aquas. Matth. 14.

Myst. punct. I.

CONG. Huic hebdomadæ propria.

PRÆL. I. Quomodo Christus Discipulis in naviculam abire jussis, dimissâ turbâ, ascenderit in montem orare.

PRÆL. II. Aspicere montem mari vicinum.

PRÆL. III. Petere gratiam orationis, & coniunctionis cum Deo.

PUNCTUM I. PERSONÆ. MEM. Aspiciamus Christum in monte solum orantem. *Ascendit in montem solus orare. Matth. 14.*

INTEL. Ex hac solitudine discimus id, quod dicitur Matth. 6. *Ora Patrem tuum in abscondito.* Hoc est, in secessione, sive separatione à tumultu hominum, & rerum sæcularium: ex qua solitudine oriuntur fructus, quos S. P. Noster describit An. not. 20. **R**EFL. Nos verò interdum laboramus morbo prorsus opposito, & contrario Spiritui Orationis: hoc est, morbo *effusionis ad exteriora*, de quo agitur *Industr. Cap. 6.*

VOLO. Amemus, ad orandum cum Christo, solitudinem, & statuimus proximâ occasione, sedulò perlegere illud Cap. 6. *Industr. de effusione ad exteriora*, & remedia ibi proposita adhibere.

PUN.

PUNCTUM. II. VERBA. MEM. Audire nos imaginemur orationem, & colloquium Christi cum Patre.

INTEL. Haud dubiè dicebat sèpè orans illud Ps. 39. *Ecce venio: in capite libri scriptum est de me, ut facerem voluntatem tuam. Deus meus volui,* &c. *Annunciavi justitiam tuam in Ecclesiâ magna.* Et verè hoc dicebat: Nam eodem die justitiam annuntiaverat ingenti hominum multitudo. REFL. Nos, qui sumus in Societate Jesu, debemus cum Deo etiam ità loqui. Nam nostræ quoque vocationis est & annunciare justitiam Dei in Ecclesiâ magnâ.

VOL. Quando igitur colloquimur cum Deo, cum ingenti zelo dicamus. *Docebo iniquos vias tuas.* Ps. 50. & : *Os meum annunciat justitiam tuam.* Ps. 50. idque ità ut verbis facta respondeant.

PUNCTUM. III. OPERA. MEM. *Compulit Iesu Discipulos ascendere in Naviculam, & precedere eum transfretum.* Matth. 14.

INTEL. Notemus vocem illam: *Compulit*, quā indicatur, quòd Discipuli à grè à Christo discesserint. REFL. Sic nos decet à grè discedere à colloquio cum Christo in oratione, & non nisi compulso per obedientiam, aut per opus aliquod veræ charitatis.

VOL. Conemur, quantum possimus, tollere obstacula, quæ nos avertunt ab oratione, & colloquio cum Deo. *Non impediaris orare semper.* Eccl. 18. Nam conversatio nostra in Cœlis, & cum Deo debet esse. Acculemus in hoc negligentiam nostram.

COL.

COLLOQ. De 2. vexillis, illud nominatim postulando, ut liceat frui conversatione cum Christo, humili quidem loco degente, & constituto; sed tam specioso, & amabili, ut tormentum sit ab eo avelli.

RECOLLECTIO. REPETITIO. APPLICATIO SENSUUM.

MEDITATIO LXIV.

De ambulatione super aquas. Matth. 14.

Myst. punct. 2.

CONG. Ut saepius dictum.

PRÆL. I. Quomodo, cum noctu Navicula agitaretur fluctibus, venerit ambulans suprà mare: perterritis Discipulis putantibus phantasma esse.

PRÆL. II. Videre turbatum mare, super quo Christus ambulavit.

PRÆL. III. Petere robur, & constantiam, & fiduciam in laboribus, & desolationibus ac tribulationibus.

PUNCTUM I. PERSONÆ. MEM. *Navicula autem in medio mari jactabatur fluctibus, erat enim contrarius ventus. Matth. 14.*

INTEL. Consideremus igitur personas Discipulorum, cum navicula jactatas in medio mari, laffatas laborando contrà ventum contrarium. Sic Christus suos per adversa permitit tentari. REFL. Meminerimus quod in Contemplatione Regni Christi vitam ejusmodi laboriosam edocimus: laboret mecum necesse est, dicit ibi Christus.

VOL.